

興化府莆田縣志

卷之二



興化府莆田縣志卷三十五

雜事志

邑書之有禱志也所以蒐逸事採異聞猶太牢
八珍之後而禱以筍蒲也猶考鐘伐鼓之餘而
間以簫管也莆雖一邑然唐宋以來徽風佳話
爲世流傳韻事名言芬人齒頰或得於紀載之
中或取諸見聞之際收而錄之備一邑之志林
資藝文之多識寧以叢禱爲嫌哉萬歷兩志或
曰補遺或曰禱事又取仙釋方伎古蹟部墓寺

目有原書
卷三十五
一
觀之類附之今畧加訂正存其可錄者而且續
以新事隨年代先後詮次成編雖徵事取材遠
遜雜俎而臨文覈實不類齊諧後之蒐奇考古
者將有撫卷而流連矣作雜事志

叢談

永嘉二年中州衣冠始入閩者八族所謂林黃陳鄭
詹邱何胡是也既以中原多事畏難懷居無復北
嚮者故六朝間仕宦名蹟鮮有聞也唐大歷中李
錡觀察福興泉漳汀五州軍事始至興學校於是

獨孤及所爲新學碑乃有比屋爲儒俊選如林之
辭自是歐陽詹林蕪陳嶠許稷徐寅黃滔相繼成
名廣明之亂王氏父子據有全閩雖號不知書然
一時浮光士族多與之俱南後頗折節下士開學
館以育材其從子延嗣以啓迪人才爲已任凡唐
末大夫士避地而南者王氏率皆厚禮延納作招
賢院以館之由是閩之風氣寢與上國埒出閩中
記及五

代史九
國志

吾閩自無諸以來方見於漢至唐而後漸有文物前

此猶草昧也近時囊山寺前耕於野者得一穴其
間金玉之器鼎彝之屬甚多人皆竊去最後既虛
鄉人始相率而就觀之其後壁擊以鋤斧鏗鏗然
有聲但堅固不可動恐是銅鐵所灌意必有國者
之墳也書籍所載閩之士無聞焉或有之而不傳
者乃知莊周所云容成大庭之類不可謂無也

希逸三
子日義

閩士嚮時雖能通文書習吏業不肯北宦唐常袞爲
觀察使乃擇鄉秀民勸以仕進林江陵藻始擢貞

元七年第八年有歐陽詹而韓文公云闈人舉進士自詹始史因之余觀閩川名士傳前有薛令之林藻以登科錄驗之信然豈韓公偶未之詳耶

出莆

陽比事

興化府治西南有壺公山古識云水遶壺公山此時方好看壺公山欲斷莆陽朱紫半繼而李宏築陂以興水利鑿山而濬泉遂多通顯故雖山川之形勝亦若有造物以尸之也

莆之帥本路者自屯田郎中李忻始繼有工部郎中

陳絳殿中丞陳鑄樞密院直學士蔡襄右司郎中
許懋朝散郎陳覺民權右文殿修撰蘇暉敷文閣
學士陳俊卿寶文殿待制陳居仁直徽猷閣林枏

顯謨閣學士鄭僑出此

事

莆原屬泉州自古未有為本郡太守者陳僕射靖始
以兵部郎中知泉州有詩云分符出牧同吾祖衣
錦還鄉自我身後方慎言蔡襄方穀陳覺民蘇暉
林伯顯蔡橚林之平林大鼐林枏傅淇方銓相繼
為泉州守然已別置興化軍非若向之泉為本郡

也請長子甲復通判興化軍父子繼牧鄉邦蓋世
所希有云後知本軍者有陳文龍通判權知者有

陳瓚

此事及陳氏遺事

慶歷四年秘書丞張緯出宰莆田再新縣中堂其基
太高不與他室等治之使平得一石銘長五尺濶
如之驗之無刊鏤痕乃墨迹焉其文曰石敢當鎮
百鬼壓災殃官吏福百姓康風教盛禮樂張自書
大歷四年至宋慶歷四年墨迹如故物之隱見豈
不待時而出耶昔號大歷今號慶歷昔五年四月

今五年四月及所得之日無差異契合如此亦一

奇事也

山書
瑣集

林披解綬歸嶺南廣帥薛公墓其名奏授瓊州都督
詔至不拜常相國衮廉問福建知之歸於賓倅口

觀林公出處其猶龍乎

山神
道碑

諫議大夫方慎言初赴廷試仁宗為太子年尚幼因
覩慎言所用硯謂之曰以是與我慎言期以試畢
至暮仁宗又至慎言以衣袖潔硯跪而進之仁宗
持入以奏真宗嘉其有禮唱名之日仁宗立御案

旁指慎言曰此多髯者是也巳而慎言旋躋貴顯
說者謂實基於此

出朱志

方偕善飲醉後聰明尤過常時知福清縣吏乘醉白
事明日覆之吏隱其一偕曰有某事在吏叩頭謝
嘗使契丹契丹每宴南朝使臣勸酒器不一最大
者剖大瓠之半托以金爰三升前後使臣無能飲
者惟偕一舉而盡契丹王大喜遣以名馬號其
器爲方家瓢每讌南使卽出之

出東軒筆錄

蔡端明襄與屯田員外郎劉昇約婚後端明登禁從

而屯田沒家益落劉世為福州候官人端明出知
 福州就尋前約其家力以非偶為辭端明曰古人
 挂劍尙有心許吾與劉君氣義相求兩家之好雖
 在髻亂媒聘未行然一言豈可食耶今所不足者
 不過謂奩具耳乃悉自為治辦資遣使其子旬爰
 室以歸

出端明
遺事

歐陽文忠論書云蔡君謨獨步當世此為至言君謨
 行書第一小楷第二草書第三就其所長求其所
 短大字為少疎也天資既高又輔以篤學其獨步

富世安哉余評近歲書以君謨爲第一而論者或謂不然殆未易與不知者言也書法當自小楷出而世或有未能正書而以行草稱者君謨年二十九而楷法如此可知其本末矣世之書家不兼行草始未能通其意者也如君謨書真草隸行無不如意其遺力餘意變爲飛草自言有翔龍舞鳳之勢可愛而不可學非通其書意能如是乎

出東坡志林

顏語陽秋云本朝書米元章蔡君謨爲冠餘子莫及君謨始學周越書其變體出於顏平原元章始學

羅讓書其體出於王子敬君謨泉州橋柱題記
絕逼平原元章鎮江焦山方丈六板壁所書與子
敬行筆絕相類藝至於此亦難矣

出東坡
志林

蔡君謨既爲余書集古目錄序刻石其字尤精勁爲

世所珍余以鼠書栗尾筆銅綠筆格大小龍茶惠
山泉等物爲酒筆君謨大笑以爲清而不俗後月

餘有遺余清泉香餅一饅君謨聞之歎曰香餅來
遲使我潤筆獨無此種物又可笑也

出歐六一
歸田錄

盱江李觀一日與處士陳烈同赴蔡君謨飲時正春

妓皆在後園賣酒君謨因命佐飲烈已不樂酒數
行衆妓方歌烈踰墻遁覲賦詩有山鳥不知紅粉
樂一聲檀板便驚飛之句烈聞之遂投牒詆覲君
謨覽牒笑謂來者云傳語先生今後不復使弟子
也君謨素重烈嘗與歐陽文忠共薦于朝由是知
名然行恠多僞君謨母死烈往吊匍匐而進人問
之曰此詩所謂丸民有喪匍匐救之者也

出石林
燕語

陳睦熙寧間爲監察御史天聖以來高麗職貢稍闕
至是連歲修貢中國之使不踰海者幾百年始命

門下侍郎安燾往聘又謀為副皆畏縮不行及命
睦睦慨然絕無難色神宗曰卿奉命即行可嘉特
賜仙花金帶睦使還奏言本朝故事惟寶文閣直
學士以上乃服金帶前以使事不敢辭今願還所
賜特旨令服之後錢勰楊景畧援例上竟弗許出

史後睦出知潭州東坡以詩送之云華清縹緲浮

高棟上有纈林藏石甕一坏此地初識君千巖夜

上同飛鞚君時年少面如玉一飲百觚嫌未痛白

鹿泉頭山月出寒光潑眼如流永朝元閣上酒醒

時卧聽風鸞鳴鐵鳳舊遊空在人何處二十三年
真一夢我得生還雪髯滿君亦老婦金帶重有如
社燕與秋鴻相逢未穩還相送洞庭青草渺無際
天柱紫蓋森欲動湖南萬古一長嗟付與騷人發

嘲弄

見東坡
大全集

初寇萊公準知巴東縣手植雙栢於縣庭民以比其
棠謂之萊公栢元祐九年巴東火栢被焚明年莆
陽鄭顛來爲令悼栢之焚惜公手植種凌霄於下
使附榦而上以著公遺跡且慰邦人之思

見澗水
譚

莆中鮮食最珍者所謂子魚也其通七八寸濶二三
 寸出通應港者佳此士大夫賦詩誤以為通印如
 王荆公送元厚之詩長魚俎上通三印新茗齋中
 試一旗茶始生嫩者為一槍寢大而開為一旗過
 此則不堪矣荆公博學多聞而詩言三印一旗豈
 自有所稽而非淺陋之能識出王彥輔塵史
 黃泳年三歲時書過目成誦大觀二年應童子科得
 旨赴闕十二月引見宋徽宗摘毛詩如南山之壽
 句以發誦泳應聲曰不騫不墜上以墜字為韻對

曰詩人之言不識諱忌臣安敢復道上大悅時尙
垂髻乃命歷見后嬪爭遺以金錢菓餌越明年賜
五經及第

方次雲任古田簿日奉檄校文于黜卷中得某字號
文大喜白同考試官寘之首選及折號乃梁克家
也歸語郡人李喬曰梁生之文器度宏遠不惟當
占魏利異日乃公輔罷明年梁果南宮第一官至
宰輔至隆興初以新入館差爲南省考官初及朝
名重東南諸公必欲得之以厭衆望次雲偶得某

字號文卷乃大驚喜謂鄉刺吏劉公曰某得之矣

諸公始未信及啓號果然

出家傳
此事錄

黃琮宰泰寧內臣楊安時爲齋訪使者數干以私皆
拒不答嘗切齒思報會奏事京師每見朝士必詆
以惡濫之言及入侍徽宗問在闕時屬縣有賢令
否安出不意錯愕失對惟憶琮一人姓名極口稱
贊上喜即日召赴都堂賜章服改員外安旣出方

大愧悔

出此
事

陳正獻俊卿乾道初知樞密院北使來故事堂押宴

使者以狀致私覲具書而不名正獻却之掌儀白
恐生事正獻語之曰今日豈當用辛巳以前故事
耶使者詞屈詢其爵里甚悉易狀書名曰特爲陳
公屈耳自是以爲例

陳忠肅文龍初在太學累試不入格一日夢太學士
神岳侯請交代自謂必死于學恒悒悒不樂旣而
廷對第一仕宦顯達前夢不復記矣及守齊郡又
夢神通詩首言交代後署至元年月日心甚駭愕
未幾國亡家陷身俘至杭拘于太學病將絕以前

夢語故人趙有得因歎曰社稷人民一旦易主此
天數也皇宋未亡之前鬼神已奉其正朔矣吾今
病且死而適囚太學得無爲太學上神乎果卒墓
在智果寺傍葬之日墓即生竹竹俱有刺人不能
登世謂岳王爲公前身今岳墳松不北枝公墓竹
盡生前忠魂義魄散爲卉木如出一節豈其然乎

陳吉士寶明永樂四年登林環榜進士負才不相下
疏稱取狀元不公成祖召詰之對曰臣百問百答
遂命解學士縉撰百問策一道縉擬以聖門七十

二賢賢賢何德雲臺二十八將將將何功為問及

記里鼓論上臨軒命林環陳實對試實對曰聖人

者之報功事雖殊而道則一也請試陳之昔孔子

當春秋之否轍環不遇乃欲以轉否之責博望諸

徒故杏壇設科時則有七十二賢焉漢明帝承光

武之統國家閒暇乃欲以收功之典激厲羣雄故

雲臺紀績時則有二十八將焉收桃李於宮墻列

姓名於廊廟天下後世稱師道君道之極者有以

夫今自夫七十二賢之德言之顏閔冉耕雍子子

貢與夫冉有季路言偃商師其德之載諸孔論者

無待陳矣自此之外去捷徑而私謁是戒持狷介

而百結是甘有滅明原憲矣然遇事而不更其守

貧賤而不移其心不有商瞿顏襄曹卹顏高者乎

親賢以造君子願學而為小相有子賤子華矣然

脫庸俗以遊高明習禮樂以養性情不有梁鱸漆

雕咳商澤冉孺伯虔者乎南宮适之所尚在德漆

雕開之見道分明固不可及其他公孫龍后處或
學君子或務自修壤駟赤樂欬孔忠或道中庸或
明家學其有得於聖教何如哉公冶長之非罪冉
子季之四長固為可稱其他漆離徒父鄒單榮旂
或以操著或以才名公皙哀良孺原亢籍步叔乘
或敬持已或惠及人其為聖門之傑出何如哉究
孝弟以體悉聖心遭患難而寵辱一致石作屬有
若巫馬期向井疆縣成其人也志不降而行不淪
俗畧細節而守不詭隨申根罕父黑琴牢左人郢
其人也更寒暑而學不厭隨窮達而守如常孰若
公夏首狄黑秦商顏之僕燕伋秦非焉仁孝備而
貌如愚粗鄙變而志仁道孰若高柴公堅定鄭國
樊須焉避叛兄而能潔遵善誘而德馨司馬耕與
顏子柳耳至於句茲容箴公西箴施之常其所以
聯同姓而明臣道謂非斯人之徒與道可明而志
不屈闡詩禮而喜得三公西與與陳子禽耳至於
顏噲廉潔任不齊叔仲會邾巽其所以履中正而
挺高尚謂非斯人之匹與吁此聖教之所甄陶而

爲天下萬世之所崇祀者也復自夫二十八將之
功言之臧屨雄除苛政當夫斬將奉旗攻城畧地
若固不乏人而其功之尤爲特異者果爲誰哉首
建大策以光復爲必可爲鄧禹壯矣然鎮守河內
使民生不苦於兵戈不有寇恂乎八戰八克以敵
國爲不足謀吳漢勇矣然安集關中致百姓相安
於無事不有馮異乎折衝千里彎弓三百自古惟
勇將能之而賈復蓋延匹美矣憂國奉公善待士
卒自古惟仁將能之而祭遵王霸克追焉耿弇決
策定計而以勝算高天下固兵家之雄也而耿純
陳後料敵如神每出而成克捷之勲非中興良佐
乎任光羽翼太平而以威望先士卒固當世之英
也而邳彤萬修運奇掌上逐鹿而樹萬全之功非
佐命巨擘乎王梁杜茂應赤符而擊五校矣乃撫
劍抵掌志馳伊吾之北者臧宮馬武也岑彭姚期
平西蜀而斬王郎矣乃善治障塞身負矢石之難
者馬成堅鐔也景丹傅俊李忠或收戰勝之烈或
參帷幄之謀爲功不同而其策立於當時者要皆

從王事以有終者也朱祐劉隆劉植或稱汗馬之
勞或展運籌之功所建不同而其効力於王國者
要皆為社稷之翼衛者也然論者謂七十二賢中
有秦冉顏何申黨夫三人者將以為是則德業開
望寂然無聞何與意者世殊時異傳記有所差謬
故若存若亡如此耳又謂二十八將外有王常李
通竇融卓茂夫四人者將以為非則并盡於臺一
體崇祀何與意者功非草創績在方來故推恩至
此耳要之賢人君子何代無之而名世之出每待
王者觀聖廟者甚毋以七十二賢為絕德當如宋
邵楊程朱諸公庶無負聖教而得與夫從祀之列
觀雲臺者甚毋以二十八將為奇功當如國朝徐
常沐郭諸公庶感動帝衷而得與乎畫圖之選者哉
策上林環亦條答詳悉

實竟以廷爭違旨發戍三邊其軍日日廷爭狀元
云實赴伍無可率去
行上員片氣而得奇禍也

又聞實諸生時上司某謁 文廟實屬贊禮時天大雨某官擬拜階上實高聲唱曰拜下禮也某官遂月雨下階拜已升明倫堂聽講命實講大誥蓋難之也實高聲唱曰禮讀誥律在坐者皆起衆官俱起實展誥詳緩讀之復詳爲解說某官竟不得坐聽畢默然而行其奇傑多此類

岳文肅正知吾郡鑿小西湖賦詩有林巒青似滴城郭隱如無句書生林炤戒石工畱似字勿刻工以炤之言告公公親詣問故炤遜謝徐曰似與如未

免合掌更以欲字何如公撫掌大喜再拜謝之贈

以束帛

載曹能始名勝志

柯竹巖潛及第之年有觀橋陳姓者於上元夜分方

就寢聞犬吠疑其盜也出而見羣犬狺然於檐廊

之下仰視之天門洞開燈燭輝煌有袍笏而騎者

則公也駭而入告其妻曰柯潛必今年狀元也後

公屬續之辰有匠過於壺山南車騎甚盛叩之告

曰我錢若干將償汝直在某篋中可令舍人取之

匠應曰唯趨至其家聞哭聲訝之謂已方遇公於

壺山之陽言及錢事索之果然家人初不知也噫
公文章氣節固扶輿清淑之氣所鍾二人者之見
何怪其然耶

出拙菴
管見

彭司寇詔自在郎署卽有材名時外戚周氏言民家
占其田土憲廟命公往訊公意謂未有以平民而
敢侵貴室者悉以田土還之周啣之言于上逮繫
詔獄時有李御史琮亦以同事被收每就鞠公輒
昌言也差失皆小人御史無預如此者再三久之
泣詔獄者曰爾持正如此乃君子吾輩今爲小人

身作... 卷三十五

耳遂為直其事于朝得遷任乃知天理在人心未

嘗民戒耳 出西湖塵談

彭惠安云吾承庭訓不好戲弄十餘歲自知向學二

十以後兩赴秋闈不如意更不抱怨舍置襍學温

羽註義故戶部主事黃擊叔先生謂人曰彭生屢

不第前日倪繡衣小試居首毋乃虛譽乎人曰不

知實學何如然服他不中便讀黃曰如此便高矣

繼而叨竊行第歷官中外鐘鳴起視事終日據案

暇則緝閱書冊未嘗敢晝寢此心自放閒不得非

強而然

出惠安家規

前輩多好獎誘後進而貞肅公爲最王鑑布衣能事者也公嘗導郡守屢訪鑑於墓廬方璣陳汝瀾陳壽徵布衣有行誼者也公稱爲三君子薦之郡守榜姓氏于旌善亭孝子劉閔尤表表者公特疏薦于朝知府陳公效亦薦之得旨授本縣學訓導自後古意稍衰而有司能薦士者尤少

出續志遺事

林貞肅在都門韓洪洞文問莆中人物公曰從吾又問以陳孝廉對韓曰以莆再指一書生耶林曰是

友自純家居相信尤深故稱之時孝廉方爲諸生
公徑列之惠安之儔先輩賞識故自不苟

見素嘉靖初再起爲刑書適文徵仲應貢至京乃游
揚于公卿間得授翰林待詔見素曰吾此行爲文
徵仲了此一事不爲徒行矣

出皇明世
說新語

鄭樂泉處士數往來燕趙舟中遇賊衆避處士獨留
賊至解橐中數金予之曰吾幣入者盡以予若賊
信而不問時鄉人寄處士金以百數處士藏置坐
下幸獨完歸而還寄金寄者聞處士以金予賊而

完其金請以金分償處士曰吾自失金君自完金
如是則君不失於賊而入於吾也却而不受

俟知
堂集

方布政守致仕家居廉潔寡二晚窮甚以事入郡城
或遊訪使其季子偕一僕肩輿嘗宴會於士大夫
家酒數行告歸蓋夜甚寒難其子之久伺耳主人
初訝甚後知其由遂大驚歎翁僉憲夢鯉曰此與
陶靖節使門人同一兒昇藍輿同然靖節棄官高
致而方公歷官方伯清苦至是尤近世士大夫所
難若其季子亦可謂養志矣

出拙
卷

陳孝廉一日臥病榻希齋維騏訪之臥內見其短床
破被不設設帳蔽以蔭屏用石塊二置布履溺器
須臾家人出粟糜以食希齋歸爲門人黃若獻等
述之以勵志節

出續志
遺事

林中丞大輅致仕家居其翁封君嘗讌集皆布衣老
友也公侍立終日不倦老友請謝公休矣封君曰

小子禮當如是

出續志
遺事

王侍郎大用參政江西時與江都左唐同僚相善左

一日病甚謂王曰子幼家貧不勝於邑王遂許以

女妻其子後爲大同巡撫便道尋盟左氏恭人立
屏間揮淚辭以非偶王喟然曰吾與大人豈桂相
得生歿交情言猶在耳其恻恻之竟治奩粧遣歸
此其事與蔡端明尋劉屯田婚同

林

郡憲茂達與方良永良節兄弟同學林弟視二方
及二方并爲藩長歸而林猶諸生一日社祭二方
盛服立左右而林以藍衫居中委蛇自若識者高
之

鄭

侍郎岳作莆陽文獻不以示林貞肅貞肅反登之

與

校訂青日錄云

卷三五

雜事

叢

序曰人取其尤事取其核詩文取其純整無僻道
後峰間商校必東士遠間刪削焉閱數歲始克就
編屬余爲序余未見成書要自公出賢者也三君
子又賢者也書固足信矣第不知有借片辭不遂
否乎吠聲之屬其不謂終無也

陳

珩爲御史歸方出京適同鄉訓導翁瑞卒于官冷

宦無依遂携其櫬同歸道路誤傳以爲御史不祿

至莆乃知其爲翁櫬也唐木溪常擊節談其事云

蘇

潛龍望江人家貧鬻書自給嘗諸人曰吾於鬻書

識人多矣其購求經義者科舉士也其購求秦漢以前文者好古士也其購濂洛關閩諸書者學道士也其以家貧無書嘗遊吾肆求閱者篤志士也其尋訪先世遺文者孝敬士也其以家之藏書來鬻者則世之不肖子也一日有羣士過門見蘇執言讀笑曰此書肆也而讀書耶蘇怒曰子以我爲書肆乎吾早不幸孤貧不克讀書而托鬻書以讀世固不有藏而不能讀讀而不能用者乎是亦一書肆也吾書肆而讀書人讀書而言肆子不笑彼

而我笑耶羣士羞縮禁不能出一語以去蘇流拙
修黃後峰爲作拙修小傳紀其事

出後
文章

郭子下義重至旌表後年過六十而後娶陳孝廉茂
烈二十年不能辦一蚊帳先輩苦節聞之亦足以
廉頑立懦

宋崇寧六年籍元祐黨人以司馬光爲首凡三百九
人刻石於文德殿門東吾郡與者六人陳次升坐
辨宣仁誣謗及疏劾音哲見當時有德條朱紱坐
辨范純嘏劉安世呂希純不當屏黜王回坐與賢

士交通見賢士交遊條黃隱坐尚司馬光學術見
學尊司馬條林豫坐二蘇所薦見名公論薦及忠
談蘇軾條方适坐對策乞復元祐後附見當時有
德條止德丁丑吾邑第進士者十九人張御史曰
韜邱郎中其仁以議大禮杖姚御史鳴鳳鄭御史
洛書以爭大獄杖林御史若周以論張霍杖林員
外應驄以救朱馬二御史杖黃郎中待顯以諫章
聖尊號杖朱戶部可宗以諫南巡杖皆同科進士
也又其時馬御史明衡朱御史澍首諫昭聖皇后

不受朝賀郭主事日休以議大禮同受杖削籍一
邑之中同時拜杖者十餘人同科直諫者八人與
崇寧黨籍爲吾鄉前後盛事也

柯狀元潛官翰林學士掌教習庶常承詔受業者李
賓之諸公也院後堂有一栢爲先生手植號學
栢造瀛洲亭以臨之而劉文安爲院長濼井於其
旁柯亭劉井詞林至今以爲美談

陳太常音與李西涯同年舉進士交好甚篤在京師
酷貧所乘育馬售錢六百文西涯貽之以詩有斗

酒杜陵堪再醉之句蓋取子美三百青銅錢語也
與顧侍郎清居相比隔常於牆上作輪竿以便授
詩名曰詩鈞詞林傳爲佳話太平盛事至今猶可
想見也

莆郡曩陷倭林御史潤爲請蠲租三年乞帑金復其
學宮並與諸生金其卒也人持幡酹酒哭三日鄉
先生沒而可祭於社潤無媿矣

莆人甚德戚南塘其祠內鐫柱云元戎兩度掃妖氛
不愛髮膚殊死戰父老千秋嚴伏臘猶思離亂得

生還詞旨悲壯

二則出黃東崖國史唯疑

林道楠巡按陝西陝故行邊食皿器物皆用銀道楠
詰之從人曰例也兼防醜道楠命撤之曰吾以恩
信投人何防之有

出閩書

留耕園別墅爲大理林炳章讀書處也卒後子弟輩
建師許國噐肄業園祠萬歷己酉科許試列平等
無意秋闈適暑月晝臥夢中恍惚聞龕內靴聲出
至甃旁作揖云先生恭喜何不赴省應試寤而異
之遂赴省以遺才入闈中式後登己未進士又彭

臬副憲范爲諸生時讀書園中嘗禱求于神像一日坐梧桐樹下桐葉飄墜其前拾而視之有虫蝕葉上作字痕曰今科而舉四字是年卽萬歷戊子彭果中式彭從弟某聞此兆亦來禱求一日復見桐葉墜下有字痕曰子亦能科彭遂自負其後竟老于諸生而子汝亨登崇禎庚午科乃悟子亦能科也按漢宣帝紀載虫食柳葉曰公孫病已立史冊中已有此事非創見也

林御史銘几年十七時就婚于外父俞方伯維寧濟

南宮舍舍中有神能作人言。告以異日當作臺諫，並爲本處公祖。後皆驗。故公按察濟南，視篆數日，悟食祿久定，卽致政歸。又爲諸生時讀書，瑞龍菴夢土地贈以聯，有兄弟聯芳，祖孫濟美之語。公貴後，以金塗其像，至今猶仔可見。科名有定數云。

莆邑文物之盛，冠於閩中。有一豕九，刺史者唐林披生九子，藻舉進士，蘊著薦葦，擘蒙邁旣俱明經及第，薦爲司馬。餘皆刺史。披蘇州別駕，亦贈睦州刺史。史有一門五學士者，璞舉進士，與子仁藻、仁溫。

仁澗仁渭同列館職有一科兩狀元者宋熙寧丙辰徐鐸舉狀元薛奕應武舉亦狀元故神宗詩云一方文武魁天下四海英雄入彀中有狀元榜眼同一榜者紹興戊午黃公度狀元陳俊卿榜眼故當時旗句有云粉榆未五里魁亞占雙標入明科甲尤盛有一科兩解元者永樂戊子福建楊慈應天黃壽生宣德壬子福建林同順天宋雍有一科五經魁者嘉靖癸卯第一名黃繼周第二名林仰成第四名黃謙第五名江從春而林文豪以訓導

中廣西第二名適完五魁之數。又景泰癸酉科中式四十四人占全閩榜額之半。明代九十科甫發解者三十人占全閩三分之一尤邑中盛事也。

亳州薛君采有言云里人雅重達官卽親知趨候不敢鈞禮坐且讓席乃吾郡則無此習矣嘗見鄭山齋公林臥時已白首矣獲交林誥誥一宿儒耳第以齒長居恒呼之必曰汝華汝華又有郭襄者亦誥倫也少與方伯魏一恭同學魏貴後亦以道宗字之舊故忘形超然古韻而侍郎鄭綱亦嚮用時

偶過家日呼召諸故人清言燕集而於貴達則謝
之此等風致近日猶存乃曲謹者輒以呼字爲僭
豈知先輩尙質之風何可廢乎

莆中以經術著名而伏毛二學尤爲耑門德靖之後
稍稍涉及他經今則高堂安國之業直探要領爲
海內推轂矣廼藝林宗匠以郡專章句而帖括不
能操筆道古此亦輕於推論也當孝宗時李獻吉
何伸默以文章高一世吾郡有鄭洛陳伯獻王鳳
靈陳騰鸞鄒守愚諸人爲一時秀出覽其文集往

往馳譽中原並稱上駟餘屈指蓋未易數也今

無論縉紳卽經生學子於史漢二書李杜兩帙咸

能口誦而筆做之所云人握靈蛇家抱荆玉非耶

士大夫居喪不用浮屠最爲佳俗然在時弔會卽城

郭相錯數十里勿止蔬笋魚肉四豆酒數行而已

啟 頌則尸旒素幡親知白衣出祖禮亦甚簡今則

大非幾日矢出殯則裝束開路神像列騎成行錯

以縗繡亭子用簫管祭於哭泣甚爲遲禮嘗聞孝

廉陳茂烈公苦伏靈牀貞肅林公俊一日於昧爽

往候孝廉從柩下扶服起林歎息不置葬則楮幡
不設惟哀痛咽絕酸鼻路人所以爲孝者如此

莆中士大夫極簡朴往御史陳傑方伯葉珩知府廖
梯疏歸後輒遠跡公府惟布衣素冠徒步里中或
有譏其褻者昔蘇東坡步行爲醉人所推同行者
右憤邑公笑曰某今漸喜不爲人所識吾里諸公
雅素之尙無媿昔人矣

元季諸先輩相與結社以文字爲樂號曰壺山文會
初會九人曰宋貴誠方樸朱德善邱伯安蔡景誠

陳本初楊元吉劉晟陳觀續會者十三人曰陳惟

鼎李必郭完陳必大吳元善方炯鄭德孚黃性初

黃安陳然方坦葉原中其一人曰清源方外士也

月必一會或賦詩琴奕清談雅歌以為樂一時風

流文雅有足尚者宋貴誠字一中薦辟福州同知

伯安薦辟寧德教諭陳亦初薦辟御史劉晟字性

存南海知縣陳觀字廷賓陝西參政陳惟鼎薦辟

游洋方論李必字叔英薦辟仙游訓導郭完字維

貞布衣方炯字用晦布衣黃性初薦辟興化縣訓

導黃安字孟仁薦辟戶部員外陳熙字虛中薦

嘉靖初年有逸老會七人皆鄉國之望都憲林茂達

號翠庭年七十五憲副吳希由號臨淵高士林嘉
績號願晦年俱六十七御史林季瓊號他石縣尹
宋元翰號友泉俱年六十五憲副林有年號寒谷
年六十四侍郎鄭岳號山齋年六十三七老繪爲
圖鄭司馬爲記績又增林侍郎富李寺丞廷梧會
皆崇真率後諸老各享遐壽舊刻有逸老會詩集
萬歷甲戌重刻於廣之博羅縣都憲郭應聘爲之
叙嘉靖丙寅康尙書大和致仕還家己巳舉耆老
會鄭知府弼號棠泉年七十八雍少叅瀾號見川

年七十七陳知府叙號淇塘年七十六林運使汝
水號南崧年七十五柯主政維騏號希齋年七十
四林知府光宗號方渠年七十二大和號礪峰年
七十一賦詩首倡云故里重開耆老會七人五百
二十三蓋總計其算也後又增林尙書雲同號退
齋年六十九人稱八仙會每月一會主席者先
期作詩邀請同會者共和之及期免催盤餐過盛
有罰真率之約大都與洛社同風焉八仙歌詩萬
歷壬辰汝末子憲副廷陞鑄于廣之雷陽

明末鄉賢頗濫昔監司請林貞肅之祖入祀貞肅固
辭謂中有艾軒復齋夾漈諸公進與同列恐非地
下之願且生時嘗不滿猶人者今日決不欲自混
其見超乎流俗矣宋立齋公嘗慨祀典之濫作鄉
賢考證一書其所評隲最稱精核序載前文獻

漁滄溪常泰里要道也原有橋長三十六丈餘歲久
圯壞架木僅存尙可容足舟人鄭廷魁者乘而規
利潛毀架木曳艇以渡恣其需索有樵子無僱值
不得渡哭乎溪次老父陳恁旺偶見之勸予之渡

鄭反詬之志旺往踰溪負樵者中流幾溺幸而濟
憤謂人曰吾誓造此橋汝尙得因爲利乎鄭反唇
曰汝婁人救死不贍能造此橋耶橋若成我願爲
守橋鬼志旺盡捐家貲以鳩工無何力詘而輟鄭
拍掌笑曰汝尙能阻吾撐船覓利乎越三年黃啟
憲捐金百餘倡建不數日橋成鄭乘夜壞橋址忽
顛墜溺歿守橋之語果驗而志旺樂觀厥成優游
天年以終

翠渠周公瑛知廣德日有道士作法能使童子舞公

摘樹葉置童子懷中戒之曰汝第舞但樹葉落地則咎汝矣於是道士百計作法童子凝然不動蓋童子心以守葉爲主也以是見人心有主則不動公在廣德嘗著祠山雜辨以息好鬼之俗善政不可縷舉云

出仰山
勝錄

方良節婚時兄良永尙未娶入室婦詰其嫂安在對以未娶遂出妝奩召媒人限七日內必完其親後兄弟子孫俱貴未始非內助之報也

楊汝惠先生初在庠時其友林君生孫汝雨抱出見

楊笑曰他日仕途有相遇處楊曰若待相遇吾老
歸矣至嘉靖辛卯楊以歲貢官廣西永福教諭時
年六十餘汝雨以主事典廣西試楊例入試獲中
式仕途相遇之戲其偶徵乎

出駒陰
兄記

林彰德鳴盛偶病嚙語中似有傳岳使君造者時督
學行部將至彰德意其人也及閱刺乃北地游仙
岳正拜又有小札題四句云昔爲小西湖今成黃
沙路堪嘆兩龍脉已枯不知何時還復故湖故岳
公所開次年徐監司良彥修濬故址鳴盛先新其

倚湖園亭兩隄遂得清出湖成閱月而彰德汲汲
後月色微茫有人見彰德偕兩人徘徊湖上

曹能始招尹恒屈吳季騶姚園客洪仲韋諸人謝公
墩晚眺飲永慶寺方談風雅仲韋謂莆從來無詩
人園客應之曰然有一江朶蘋是女流有一黃滔
是晚唐有一劉克莊是南宋有一洪仲韋又遷白
下莆故從來無詩人衆大笑

吳中丞兆元爲儒生時與教授曾鍾震仝肄業于西
漳天花庵自立課程每午夜讀表到皇帝陛下句

而漁舟適至嗣是往來江上者輒聽此句以十夜
嚮晨足見古人學業不苟求志有素菴前座中春
上有小榕三尺許自明季迄今旱數月不凋雨連
旬不長郡司馬王彙口占云不借人間資灌溉遙
從天上屬蟠桃名人遊其地爲低徊者久之

程廷栢字世憲性長厚樂善好施嘗歲除夕有偷兒
潛伏廳事後廷栢見之佯爲不知俟子弟燕集畢
命別備酒殺自飲守歲比人定乃躬引偷兒出坐
而酌之慰之曰汝逼于窮故爲此耳餉以斗米白

鋸勸其改行偷兒惶謝去悔過遷善不復爲非

國朝康熙二十九年九月二十四日郡城西巖寺建
山門忽剝地書然有聲土陷一窪長一丈四尺濶
半之上銳下方斲以巨輒輒土花三面凸起旁篆
太康八年八月日作辟亭使 中獲古鏡一古劍
二銀環數枚鏡背有花紋斑駁陸離劍脊有字剝
蝕不可識環徑二寸許尙一竈未啟寺僧奮土急
掩之事與宋縣宰張緯得石銘略同石瘞於大歷
而山於慶歷塚作於太康而啟於康熙亦奇事也

奉谷里臚頭在大蚶山下明副使曾光魯族居于此
其地有大石當路上產榕樹一株團團如青蓋枝
葉茂密康熙元年以海患截界居人徙內地樹輒
焦枯人皆以爲槁矣庚申歲樹忽青葱觀者詔異
未幾海患平奉 旨復界今人民稠密樹亦茂盛
如舊

考前志載蔡忠惠公故居在郡城南五里許俗呼
蔡宅其地近水亭卽今所稱錦亭是也往來泉南
道出此出郡表其坊曰忠惠之家王梅溪赴泉守

有過端明故居詩云云又序其集曰莆田蔡公語
尤分明近仙志載公宅在赤湖又在牛山之麓去
楓亭西三里許則必迂道訪之不得謂之過矣李
幼傑比事云水亭蔡爲忠惠公之後仙遊赤湖蔡
楓亭蔡益忠惠公之族宏治志云考蔡氏譜襄三
子勻早歿無傳勻生傳世居莆蔡宅旻生倡徙安
吉佃與仲徙毘陵襄旣入莆後遂無居仙者林艾
軒圖經序云縣北三里有故家爲林氏門安綽楔
出南郭可五里蔡端明有舊第孰視雙闕者不覺

欵容過蔡公之門或立馬低徊不忍去比事又云
公有莆陽居士集三十卷孫傳有城南集二十卷
林李兩先生皆宋代鉅儒去公未遠其言必可信
公泉州萬安橋記自署莆陽蔡襄跋魯公告身未
書莆陽蔡襄齋戒以觀跋柳城懸蘭亭詩帖末書
蒲陽蔡襄題閱公諸欵識則繫公於莆宐也仙志
乃以公未嘗居莆蔡宅特田庄耳其言太失於誣
明彭惠安貽書岳蒙泉太守首論教化莫要於表
章先賢以風勵後學歷評蔡襄陳俊卿林光朝陳

宓李富諸賢宏別立祠祀搜置遺集爲後人矜式
岳公躋其議建五賢祠於西湖上非以公僉列吾
鄉之賢乎昔朱晦翁原籍婺源及徙閩之崇安遂
爲閩人今海內皆稱潯洛關閩無異詞何獨於忠
惠而異之編修鄭渙仲公史稱莆田人廣輿記亦
然所居在廣業里之霞溪上爲夾淙山構草堂著
書自樂今遺址尙存風雨夕每聞讀書聲宋時析
莆田游洋鎮置興化縣明正統中縣省析二鄉入
莆爲廣業里一鄉入仙爲興泰里仙志謂公里居

在仙是必奄有廣業之地併隸於仙而後可也夫
地以人傳他邑爭引爲重仙人固自言之其以莆
人竄入志中者未易悉數無足置辨顧倡爲詆訶
前輩之說一似借才異地用以誇示流俗則不可
不一是止俾論世者有所折衷庶得以意羣疑之
喙云

興化府莆田縣志卷三十六

雜事志

詩話

唐林藻與弟蘊俱擢第名動京師歸經梨嶺題詩云
昨向嶺頭題姓字不穿楊葉不言歸弟兄各折一

枝村還向嶺頭聯影飛

出閩川
名士傳

黃滔遊東林寺詩云平生愛山水下馬虎溪時已到
終嫌晚重遊預作期寺寒三伏雨松偃數朝枝翻
譯如曾見白蓮開滿池方萬里云此詩三四唐人

無此淡而有味之作五六佳楊萬里序其集云黃
公詩如聞雁一聲初觸夢半白已侵頭餘燈依古
壁片月下滄洲如退居青山寒帶雨古木夜啼猿
此與韓致光吳融輩益遊未知何人徐行後長也

宋慶歷初歐陽修余靖王素俱除諫官君謨賀詩曰
御筆新除三諫官喧然朝野競相懽當年流落丹
心在自古忠良得路難必有謀猷裨帝右直須風
采動朝端世間萬事俱塵土畱取功名久遠看三

人以詩薦上尋除諫官時號一棚鶻

出記開及王
筆見開近錄

蔡君謨謝賜御書云臣襲伏蒙陛下特遣中使賜臣
御書一軸其文曰御筆賜字君謨者臣孤賤遠人
無大材藝陛下親灑宸翰推著經義俾臣佩誦以
盡謨謀之道事高前古恩出非常臣感懼以還謹
撰成古詩一首以敘遭遇于身聖慈無任荷戴兢
營之至臣蔡襄上進皇華使者歸清晨手開寶軸
香煤新泐名與字發深旨宸毫洒落奎鉤文精神
高遠照日月勢力雄健生風雲混然器質不可寫
乃知學到非天真緘藏自語價希代誰顧四壁嗟

身任其責日異其功
卷三十一
二

空貪臣聞帝舜優聖域
皋陶大禹爲其鄰
吁俞勅戒成典要垂覆
後世如穹旻陛下仁明
加舜禹豪英進用司鴻
鈞臣襄林智最駑下豈
有志業通經綸獨是丹
誠抱忠朴常欲贊奏上古
珍又聞孔子春秋法片言
褒貶賢愚分考經內省
莫能稱但思至理書諸紳
乾坤大施入洪化將圖報
効無緣因誓心願竭謨謀
義庶裨萬一唐虞君

昔公度秋夜獨酌詩云
溪山態足身無事
天地功深歲有秋
投老相從管城子
平生得意醉鄉侯
捲簾

清坐月排闥橫苗人家風滿樓可是離人更遺物
何緣身世兩無求其知稼集有曰雨意欲晴山鳥
樂寒聲初到井梧知又曰還鄉且盡田家樂舉世
誰非市道交醉鄉歸去疑無路詩筆拈來似有神

真詩筆也

出瀛奎律髓

翁點肄業廣化寺夜醉擊寺鐘忽覩一人狀貌詭異

呵曰汝爲誰此豈鐘鳴時也點曰汝謂我爲誰其

人曰能對吾一聯當語汝乃云折破磊文三石獨

點應曰分開出字兩山單

石獨山單皆花名

其人額之曰

正郎言訖不見卽寺青衣神也後果擢乾道第終

朝請大夫提點江東刑獄

出莆陽
比事

方惟深字子通隱居不仕以詩知名嘗吟古栢詩云

四邊喬木盡兒孫曾見吳宮幾度春若使當時成

大厦也應隨例作埃塵又舟下建溪詩云湍流怪

石礙通津一一操舟若有神自是世間無妙手古

來何事不由人又如客航收浦月黃昏野店無燈

欲閉門半出岸沙楓欲歿繫舟猶有去年痕王荆

公甚喜之

出雪齋
廣錄

劉忠肅送陳侂知湖州詩云使君磊落襟度大得失
喜慚心能忘安貧樂聖士之分十年蓬館親縑細
口無一語論飢飽九尺曼倩空堂堂周旋朋友絕
芥蒂遇酒快飲能百觴請符賜節愜所願開府正
得東南鄉稍留里社上楸隴錦衣晝日生輝光招
延故老費吳酎正是鱸肥棊子黃守居清絕水精
國洲渚四面蘋花香席前海物滋味足宴客不恨
無肥羊平日所懷倘盡試定有美政傳循良離羣
索居不足道及時功業其自強

出本集

方子容知惠州時東坡已謫于此雅相厚善東坡築
白鶴新居子容割俸以助其役又與循州守周彥
質往賀之坡詩謝之曰莫惜相從一斗陰酒杯雖
淺意猶深且同月下三人飲無作天涯萬里心東
嶺近開松竹徑南堂初絕斧斤音知君善頌如張
老猶望提壺更一臨子容和曰豹隱南山鶴在陰
羅浮一望白雲深巧工且縮居旁手烈士誰知負
壯心嗟我抗塵仍走俗羨君叩寂且求音如何東
嶺神仙境肯約衰翁數訪臨坡又和曰數畝蓬蒿

在縣陰小窻明快夜堂深也知十築非真宅聊欲
跏趺看此心聞道提壺問奇字更因登木助徽音
相娛北戶江千頃直下都無地可臨子容又和曰
東嶺新成桃李陰春光日日向人深遙瞻廣厦驚
凡目自是中台巧運心輪奐欲形張老頌調歌先
聽伯牙音料公不負南堂約應許衰翁領客臨於
是循州守過白鶴歸途復用韻以謝坡又和曰此
生直欲老牆陰却掃都忘歲月深拔薤已觀賢守
政摘蔬聊慰故人心風流賀監常胡語憔悴鍾儀

獨楚百治狀兩邦俱第一穎川歸去肯重臨後東
坡被命責僖耳子容謂東坡曰此固前定可無恨
吾妻沈素事僧伽謹甚一夕夢和尚告別沈問所
往答曰當與蘇子瞻同行後七十二日當有命今
適七十二日豈非前定耶

左史林震號介翁長於集句所用詩凡三百八十家
一日與客飲視壁間有題陽關辭者客曰試用勸
君更盡一杯酒以侑尊因續曰與爾同消萬古愁
又嘗晚春至山光寺覽觀陳迹則曰青山有恨花

初謝有問曰流水無言草自春前後所集釐爲七
卷著作郎徐師仁跋其後云胸次應餘五色線世
間爭認百家衣

出吳鉉
集句序

林寔嘗作致日經推陰陽歷數以資占決金華吳萊
有詩曰昔在江左國閩人有林寔白衣召上殿口

誦致日經

出八閩
通志

卓善夫得慶嘗忤賈似道以右文殿修撰出知漳州
文文山天祥贈以詩曰蓬山隔風雨芸觀司陽秋
厭作承明直出爲漳海遊問俗便桑梓過家拜松

楸錦堂事相儼棠舍陰易留向來澗蠡間何物輒
負舟翻覆十年事行止隨坎流儻來豈不再遲取
終無由太守執此往邦人庶其瘳昔余勒西銘期
子以前修願覲宏濟學四海做一州及善夫退休
作順寧精舍于梅峰之麓復爲題三十韻其詞曰
人生天地間一歎非細事識破此條貫八九分地
位趙岐圖壽藏杜牧撰墓誌祭文潛自撰荷鋪伶
常醉此等脫後生見解已不易齊物逍遙遊大抵
蒙莊意聖門有大法學者必孔自知生未了未

到知歿地原始則反終始終本一致後來得西銘
精蘊發洙泗吾體天地塞吾性天地帥一節非踐
形終身莫繼志舜功禹顧養參仝穎錫類伯竒令
無違由生恭不貳聖賢當其生無日不惴惴彼豈
不大觀何苦勤與寐吾順苟不虧吾生始無愧人
而有所忝曠達未足智卓哉居士翁方心不姿媚
蒙讒以去國七十無怨懟風雨三間茅松楸接蒼
翠斯邱亦樂哉未老先位置宇宙如許大豈以爲
微屣當其歸去來致命聊自遂天之生賢才初意

豈無爲民胞物同與何莫非已累君方仕于朝名
高責所萃乾坤父母身方來日川至西銘一篇書

順事爲大義請君觀我生姑置末四字

出文山集

元元統初陳旅爲江淞儒學副提舉薩天錫贈詩云
江南少識陳泉仲闕下才名北斗齊直閣每從花
底見揮毫曾向御前題觀魚小海鳳新浴立馬上
林鶯亂啼今日四湖堤上路獨騎款段踏春泥衆
仲在任雅好湖山意有所屬便乘輿獨往流連竟

日懷錢塘前云武帝新祠太乙神流光洵旭動星

辰竹宮典禮猶存漢軼道山河已易秦香逕至今
啼木客露盤無復泣金人紅燈幾點東風裏猶是

元宵一度春

出湖江
通志

明黃麟字伯厚洪武初以文學薦對大廷稱旨賜第
一人授翰林應奉冬至祀圜丘御製門聯云大明
日月光天德洪武山河壯帝居麟佯狂用靴尖踢
倒上怒欲加刑麟奏日月光天德山河壯帝居
此陳後主句以天朝倣之不旣羞乎上命易之遂
占曰乾坤一統歸洪武日月兩輪照大明上稱善

又嘗命作京城曉望詩遂賦云清晨獨立鳳凰臺
極目乾坤氣壯哉萬里江流連海濶五湖樓閣倚
天開金門鐘響千官擁玉筍班分萬馬回聖主無
爲崇治化衣冠濟濟總英才賜帽帶紵絲不受拜
疏乞歸上從之

洪武三年行徵辟之典時法令嚴峻士有逃官不赴
者吾鄉黃孟良詭不識字辭聘仇家出其遊九鯉
泐詩告於郡郡以欺君罪孟良逮繫至京太祖覽
其詩大加擊節卽曰授公陽知縣詩曰人已乘仙

鯉化龍伊誰測上構仙宮石道升鼎潺湲裡煙鎖
瓊臺縹緲中青鳥去來猶夜月碧桃開落自春風
此行非爲邯鄲夢擬戶橋頭問石公又曰樓閣巍
巍拂紫霞盤山環拱走龍蛇石磬泉瀉千尋瀑玉
澗桃開萬樹花春徑有苔封舊木夜爐無火養丹
砂我來不遇吹簫侶幾度凭欄重嘆嗟

柯學士潛嘗見浙江徐童子霖五六歲精於書法贈
以詩云徐家之子真竒絕風骨自與凡人別神駒
矯矯步天衢雛鳳翩翩出丹穴前身可是張文舒

不然年纔五六那能書當筵握筆不停手驚風颯
颯蛟龍走掃盡鸞箋三百張鐵畫銀鈎大如斗君
不見東隣老翁空一子癡絕無才事紈綺從來紙
筆不相親見此竒才應愧歎學士集中失載屠長
卿能誦之云兒時唐荆川嘗書此與之也

黃後峰鞏弱冠時嘗避雨于西漳庵中僧知爲書生
延之坐雨久不止僧遂畱宿臨行題詩壁間曰閒
來散步叩禪關禪關深處任盤桓塵埃不染乾坤
靜鉢錫生花天地寬從古四天傳幾世而今覺海

得名觀大顛果是聰明者無惟昌黎與往還後公
以司馬郎諫南巡廷杖還山時時過雲莊見林素
翁俊舟行經此必停舟少憩憩輒有題詠凡爲絕
句者四其一野寺重來不似前老僧猶解說當年小
橋一片閑流水爲結三生未了緣其二舊題猶在石
欄前不覺人間十七年茗椀竹爐隨處有得重來

此豈無緣

其三

前村風雨暗模糊燈火雲莊不負吾

公自注云赴見素雲莊之招過此

千里相思還命駕可人誰道費

招呼

其四

壁間殘照半模糊肯信今吾卽故吾自古

浮名俱如此子虛烏有任稱呼蓋公初題壁時名
佐後改名鞏而字伯固焉故卒章云云公卒後廿
餘年有黃解元懋冲者偶過此庵口占一首有云
呼童拂塵看題壁爲憶後峰今也無里人教授曾
夢奎摹公手跡于扁奉置庵中又紀其事云

柯希齋維騏自登第後卽疏病歸削跡公門二三同
年若李太宰默吳太宰鵬徐閣老階僉不通書丁

卯聞科道交薦有詩云落落閒身多病餘乞歸寶
自肅皇初生來奈有雲林癖交絕全無政府書著

迹何功叨薦剡行藏已老合懸車木蘭孤艇煙波裏免負馴鷗與狎魚

吳府尹獻台屋後有大樟一株大可數十圍枝葉鬱蔽數畝遊其下者雖盛暑儼若隆冬陳宗伯經邦有詩紀之云吳君屋後如竦峰佳氣鬱鬱青濛濛問之乃知爲古樹植自遠祖屯田翁老夫欣然一趨視喬枝直榦摩蒼穹盤根似有神物護飛翠迥與壺華通清廟明堂要樑棟茲樹豈數徂徠松匠石屢過不敢眎故家喬木世所宗五侯第宅有遺

址于今苗裔居林東願君珍重戒勿剪千秋無恙
稱章公宋陳侍講士楚祠內亦有古檜一株大合
抱長四丈許盤擎屈曲具有蛟龍怒攫之勢相傳
為侍講手植詞客題咏甚多好事者多就樹下圖
其形以去二樹同屬千百年物又同在穀城山下
皆希有也

林萬湖七歲時作聞鼓詩誰擊堂前鼓如聞出地雷

百花猶未發全仗數聲催

出開書

林布政恭章過嶺北見界亭聯云過來共飲處南水

歸去咸雋嶺北雲恭章有感而賦云上流一水靜
界嶺衆山低赤手捧天去白雲也不攜清介之志

見於此詩矣

出南陽
許詩

魏竹溪時敏解官後年八十餘多與名流酬唱所著
竹溪詩稿如殘歷愁中盡流年夢裡過山花鞞綠
鬢月鏡暈青天官嬾終成癖家貧易絕交滯雨隨
孤艇穿林翳晚鐘徑竹籠煙翠池荷戰雨喧野水
航歸浦秋山燒隔林雲歸雙樹老門掩一僧貧秋
日病起云黃花籬落家家酒白雁江大處處砧秋

日偶成云雙杵搗殘千里夢一樽傾盡百年心西
湖云林隱曉嵐山半出湖添雨水平鋪皆佳句
也

吳文潛字元翰孤癖苦吟詩不多作或昇月始成一
章葉家學道寄食武夷山中數載後雜髮爲僧曹
學佺金陵社集集雞籠山賦臺城懷古文潛詩曰
漫將遺跡問齊梁寂寂臺城露草荒廢井尙封陵
寤氣初鐘不喚景陽妝蒼茫野水迷官道高下寒
山出女牆還憶誦經梁武帝臨風依樹弔斜陽一

時推爲絕唱。同時姚旅字園客，亦以詩名。懷古詩亦載社集中。曰：苑城遺跡盡，流霞草色登。臺起暮笳地，捲豹湖埋帝輦山。橫雉堞，抱人家。風來百舌聽經鳥，露泣胭脂墜。井花沾販還，尋芳樂路酒帘不動。夕陽斜。

宋珏精於詩。畫天啓丁卯三月廿五日，同林御史銘。凡及二三友人，汎舟觀漲，因欲至碧瀨，不果。遂造棠林，少憇。歸入舟，作雨景圖，並題詩曰：撥穀聲喧一雨滿，犁平疇綠泛。插秧齊孤舟，直到棠林外。醉弄

飛泉出小谿畫空濛奇絕詩亦清新可愛

林休徵考館時用岳太守小西湖詩曰萬里林巒清
欲滴九重城郭隱如無典試者曰去上四字便是

神語

余宗漢最得意夜合花詩每醉形之口誦詩曰風動
香飄十二闌雨中相對一尊殘玉容莫向黃昏斂
正欲攜燈醉後看

潘元辰太守遊木末亭詩曰故典由來非逐鹿忠魂
何必怨啼鵑亭有方孝孺墓故云亦善於搜意矣

曾宗伯元贊詩多秀句嘗送一民部使遼陽云驪黃
馬上梅飛瓣鴨綠江頭杏白花

吾鄉稱詩多宗游宗謙游子騰字勿馬元封仲子宗
謙孫也其游子吟如別兄弟作樹末涼風起秋聲
散鵲鴿所嗟離故國不忍醉郵亭去住皆無計間
關損壯齡寄書藉兄弟立馬更丁寧竹軒宗侯朝
爽樓作朱邸傍城構層樓蠹堞開地形全上控山
勢盡西來檻外晴懸瀑林端巧置臺飛甍與浮柱
一一出新裁皆合作鬱儀宗侯謂游家多才子然

身作... 卷三六
宗謙不若元封元封不若勿馬

吳元翰謂洪仲韋曰余詩似鷓鴣仲韋曰余詩似黃
鳥元翰曰所謂余詩似鷓鴣者遊子乍聞征袖濕
佳人纔唱翠眉低黃鳥謂何仲韋曰爾晚唐耳綿
蠻黃鳥余詩蓋三百篇也

方輿邦詩爲宗子相吳明卿所稱著作頗多罹於兵
燹一友人於灰燼中檢得詩一帙可八十首今所
刻喬村集是也其秋日天壽山展視陵寢一律云
永安山郭俯清都步入康陵日未晡象衛千年朝

絳節龍池九道瀉元珠月明露下芙蓉斷天淨霜
飛鶴鶴孤八駿東巡傷往事祇今父老泣蒼梧讀
之可窺一斑已

游及遠字元封作詩每欲酸巧有題梅花帳詩乃其
本色詩曰寫就寒梅挂竹牀筆端飛雪夢中香呼
童輕拂瀟湘簟恐有殘花落枕傍

許岩長在長安夢營小隱得句云種松夜月嫌多影
菡竹秋風厭有聲佳句也且有道意後足作一律
云烟霞夢寐見平生買斷高深隱姓名白石岩邊

茅草屋清泉溪上豈花棚種松夜月嫌多影蕪竹

秋風厭有聲閒却當門十畝地桑麻秔稻好收成

莆里中有北山社所刻社草如賦得百花深處一僧

歸送僧詩張隆空色皆成鏡歸心只聽鐘如聽林

希萬談智泉之勝詩吳元丹白晴春香雪碎陳牧

鳥徑亂花時亦雨虹橋流水晝常陰如秋日永明

寺訪僧詩許岩山門秋色在寒葉如北原寒望詩

林啓蒹葭霜落見魚梁黃漢絕憐秋盡芙蓉老欲

采何由寄遠情如白雁詩盧元本自霜前至疑從

雪裏飛如春夜過蓮山院訪僧詩禮元明月隨人

松際白如春晚閨情詩高彥升縱令妾貌花相似保

得春花不落時陳肩殘花未解愁人思不肯風前

住少時如閨三月三日留春詩林希勝日重來修

竹裏東風不放落花飛禮元鶯鳴深樹聲猶滑花

落平林影未空探龍得珠不顧鱗爪已

宋宮人斜在南山月峰右舊為雨場 國朝康熙間

有樵豎入其穴竊蟾蜍釵鏡以歸官人憑巫自述

為宋嬪隨官家航海歿此樵懼反寶器而掩之林

麟焜詩云噪樹寒鴉日易昏內家斜對石龕門雲
鬢宮樣埋萍草薜荔山阿酌酒痕厓海不填精衛
恨春心長托杜鵑魂金絲銅鬲傷零落紅粉猶傳
秘噐存王阮亭謂此詩入唐人鼓吹集竟不可辨

耆壽

宋揚州察推宋堂於端明蔡君謨爲友端明嘗有句
云堂中偕老百年婦膝下含飴五代孫蓋是時堂
之父寺評及其母年皆九十五六故云敷文閣侍

制棊堂之曾孫也

見蒲陽居士集

明朱永崇黃石牆頭人壽百歲子良仁八十六良德八
十八姪良善八十五良典八十六孫廷佐八十九
廷鳳八十五曾孫子翼八十六子源八十八崇自
爲聯句云眼前白髮皆孫子門外青松是故人姪
孫宏謹八十七謹子宜獻九十六宜清八十三邦
光九十九光子時和和子藩卿俱八十二卿子登
雲雲子子咸俱八十三郡守朱袞扁邦光之堂曰
五世同春曾姪孫子錫七十八錫長子光騰七十
九次子光遠八十一應奎八十三應舉八十周翰

八十二應春士鎮俱幾八十其地名壽鄉云

朱宏謹黃石琳井人後徙涵江鄉稱善士壽八十六
妻林氏八十一子灌與弟洛同夔七十年壽九十
六妻陳氏壽九十三洛壽八十一妻王氏壽九十
四黃公瑀扁所居曰世壽堂

方儀禹郎中瀾從弟也父儒官淑明壽八十三母康
氏百有一歲儀禹終日危坐未嘗跛躄壽九十七
長子如陵壽八十三次子如翰三子如金俱年八
十餘

張文昌以儒士進場三次郡守朱袞嘗書爲善最樂
旌之年九十八子秀江西南浦遞運所大 被寧
濠繫獄濠擒復職年八十八及見 郡守重鄉薦
東華郭伯玉以儒士進場二次壽八十七妻吳氏壽
八十八而二子湍清後先甲科伯玉以清貴封主
事復以孫應聘貴贈尙書長孫應 忠機無著焚
香淨几外百無所思壽八十九病中必起梳沐及
卒衣冠危坐面猶如生人以爲蛻化云

吳大猷紳之姪壽百歲與物無忤行疾如飛一日端

身作丹青日
坐而逝

醴泉里陳居俊壽百歲郡守陳王庭扁其堂

楚藩紀善吳騰氣韻冲和風致凝靜致仕歸惟杜門
課孫讀書無疾而知將逝自挽有云老去竟何如
垂歿夢中兩都賦生來祇是寄百年身外一浮雲
遂瞑年九十六撫院徐學聚爲建清朝人瑞坊

湘藩逸史林文豪該博不羣其磊落英氣至老不衰
春日自題于堂曰扶杖思觀德化成堯禹逢時爲
父老新春欲問長生訣商彭笑我尙嬰孩年九十

四

林貴七景德里書街人壽百有五歲郡守葉觀造其廬分俸以給兼有詩章之賜同僚與鄉縉紳皆和之積滿卷帙而御史朱濶爲之叙

國朝黃夢干字茂薦江口人郡庠生積學能文教後學多所成就康熙三十八年春秋滿百步履安閒燈下能作蠅頭小字知縣金臯謝以風高洛社扁其門維新里廖國寶年百歲康熙四十二年以

恩詔事例巡撫梅鋗題請建坊旌表

城東上林林堯璠忠厚誠實人也見年九十有五五代同堂兒孫皆入黌序曾孫國柱康熙四十三年學院沈涵科取進學問知其家五代以俾壽而昌扁旌之

天朝恩詔頒養堯璠首預焉又有庠生林士暉年逾九十亦預頒養之典

壺塘廖升吉字季階郡增廣生垂元子貢元日宣六世孫 勅贈翰林院庶吉士加 贈翰林院檢討 孚吉兄壽九十

詔賜冠帶其歿也端坐而逝

東里黃士琳閩孫邑庠生年八十七子洽副榜教諭
年八十二妻周氏年九十三蒼邑庠生郡介賓年
八十四妻陳氏年八十五孫維高邑庠生年八十
八樗歲貢汀州訓導現年九十六棧郡增生年八
十二俱膺

詔賜揚邑庠生現年七十八祖孫父子兄弟世業詩書
其多壽者積善之慶也

倉後程元琳字叔輝早歲失恃兩事繼母皆婉承志

意竭力洗滌未嘗少失辭色視異母弟如一體課
之讀書恒笞子以爲弟訓綜理家政銖粒無自私
鄉人比之浦江鄭氏義門陳氏云生平廣施與而
自奉極薄緼袍布被脫粟茹蔬率以爲常壽屆耄
期預知逝日其死生之際若默與神明通者以子
甲化貴初封諸城知縣累贈太僕少卿

柯朱舖柯得崑英六世孫安居樂業於鄉教子孫不
少懈與故人遇問飲食起居外亦必以訓子課孫
相勸勉年八十八雍正元年

重恩授修職郎

木蘭李一桂宏裔少孤性友捐修木蘭陂造先代祠

墓年八十七妻林氏內助行善年八十三

涵江陳元良端慤謹厚敦古道孝又愛雍正元在

平恩授修職郎年九十一

東主黃光啓起龍孫好黃老於隣近置一淨至閉戶

禱修數十年一日召家人至語之曰吾將與世辭

閱旬焚香含笑而逝年九十一

榜山陳永紹鄉稱善人年九十一

上林舖林枚交裔先世舊第近市枚卽市隱境喧心
淡不愧城市山林雍正元年

恩授修職郎年九十三

湖濱周伯鳴循朴謹慎雍正元年

恩授修職郎年九十三

刺桐黃成鳳滔裔年八十八妻劉氏年八十九同心好善
騎牖帛子防衛庠生太守卞永嘉舉介賓獎以扁曰
遵尊儒林年九十妻方氏年九十二亦

巴陽脯身

港利林廷鶴芸姪孫已座生襟懷洒落構一齋於水

湄與二三老友嘯流歌咏飄飄欲仙年九十三妻

一 陳氏年九十六

梅隴徐文山年九十第景樂年九十一兄弟友愛間

生敬之

湯脯帛景樂與焉

漆浦陳元皇務農質朴凡鄉中有修造美舉必竭力

以佐年九十三

恩 切脯帛

星浦李廷佐遷界居涵以邑祿授職復界後得填築
開闢法衆效之望江一帶漸成墾年九十三嗣男
獻偉年八十一郡介賓

厚階廖維翰年八十七生平慷慨自豪與人然諾不
欺敦友誼雅有緇衣風族弟必琦尤所推重可加
意不啻同懷雍正可恭年潘司沁延正以德重鄉
間居族之

彭聖植黃國燦程可澄陳可升皆有壽雍正元年

軍恩俱授修職郎

穀城陳正萬樸誠謙謹年百歲榮膺冠帶乾隆二年
巡撫盧焯題請建坊旌表

霞井林淇芳大輅元孫聰明穎敏篤好詩文年九十
五榮膺

詔賜妻李氏端凝淑慎乾隆十七年巡撫潘思璣以期
壽題請坊表卒年百有二歲

前街林輝若謹慎和厚多行好事乾隆元年

覃恩授修職郎年九十七妻鄭氏年九十五

恩賜脯帛

涵江鄭永祚居鄉恬靜勸善息爭乾隆元年

覃恩授修職郎年九十妻王氏年八十二

恩賜脯帛

槐佐舖余季友琦裔忠厚長者日間所行事夜必焚香告天余氏亦鄉中望族友謙抑不敢上人視子第有驕矜態者面切責之乾隆元年

覃恩授修職郎年百歲未題旌卒妻吳氏年九十二兩

賜脯帛

聚皇里湯士源長厚誠實現年八十五

茅溪舖余世山

恩賜脯帛現年九十四

鼓樓里林可遠有文名童子試常前列郡守蘇昌臣
拔取冠軍乾隆元年

覃恩賜脯帛年九十六

興福里鄒天麒偕弟天麟入國學勸善規過兄弟如
師友麒年八十九麟現年八十八郡介賓

長豐林文祿蘊裔性溫厚親隣里如一家人終身與
人無忤年九十三族姪景卿妻鄭氏年百有二歲

知縣周世紀扁曰人瑞早徵

合浦里王仁寧家彥姪孫現年九十一耳不重聽目能遠視步履如少壯時妻劉氏年八十六俱

詔賜脯帛

東山鄒文曾師魯七世孫樂善好施年八十八

湖岸孫人行見人修橋設塚皆捐金以佐舉郡賓

詔賜脯帛年九十三

黃巷黃光宣登五世孫知縣賈林給恩隆三錫扁獎之年九十五

山前陳文策食餼二十餘年歲薦期屆爲目力屈各
學馮鈐深慰藉之給其應得頂袍現年八十五
斗南鄭孟述與弟孟琰老相友愛人無間言述年九
十一琰年八十六

麟山陳昌錫老成矍鑠郡守蘇本潔扁其堂曰熙朝
人瑞乾隆元年

甲恩授修職郎年九十八

埔頭何宗伯三世同居一門和睦年九十二無疾而逝
穀城阮銓邑庠生久困場屋遂無意功名雅詠自娛

名山遣興現年九十二無衰老態父孚渭舉郡客
督學沈涵以扁獎之年八十一祖萬欽舉人廣東陵
水知縣著道南集年八十四曾祖騰霄邑庠生年八
十五高祖芳烈郡庠生舉介賓年八十二五世祖琳
明進士廣東恩平知縣年八十一著作見藝文志
東臯宋夔齋時著五世孫少事詩書老精方脉有濟
人利物之心乾隆元年

覃恩授修職郎年九十一

仁德里游德士年九十妻曾氏

恩賜脯帛

黃石余應策熙六世孫雍正丙午歲米貴策與水南
紳士同不糶鄉飲列衆賓太守沈起元給壺蘭者
碩扁年九十

東山翁固守習舉子業不就畱心時務社倉積貯諸
法每著議成篇年九十

東溝宋存道光墀孫郡介賓年九十二

常太程天拔城市罕至日與山水遊乾隆元年

年恩授修職郎年九十三妻張氏年九十六

恩賜脯帛

杜真陳應祖嘗以居鄉無善狀爲愧跡其畢生行事

饒多古意年九十二

恩賜脯帛

清江周儋周僑嬰曾孫嬰博極羣書著作傾服海內

家藏手澤失於兵燹儋兄弟多方以金購此朽

蠶殘編不吝善價儋年九十五僑年八十三

白沙陳起雲家無訖諄膝繞兒孫庭闈樂事備焉時

扶杖村墟課雨問晴觀耘勸稼樂又何極哉隣

謂之地上行仙現年八十七

恩賜脯帛

澄塘方震文解齋澄塘去城二十里許乾隆癸酉春胞姪啓昌舉郡介賓文樂觀盛典路與少壯者同行舉步輕快不落人後衆驚異年八十八

恩賜脯帛

笏石朱坤少出嗣嗣母有疾坤多方調護延醫不憚遠奉藥必身親事本生父母亦然知縣王桴扁獎之現年八十六

上林舖林時耀鍾南曾孫居心謙退不以古知先人
惟修造祖宗祠墓必向前與族人分任且經理有
方盤錯中具見從容整暇年九十一

錦江李一懈奉憲勸捐社倉將良法美意曲爲鄉人
道于是各隨力量樂輸者衆年八十五

雙池宋賢光年孫邑庠生恬靜寡營日撫卷哦詩陶
然自適郡舉賓筵辭弗就年八十五

書柯舖柯亨郡庠士兄早世託幼孤亨視同己子翼而長
之歸遺產如數未嘗爲拮据利其所有年九十舉郡介賓

東井鄒文植守愚七世孫清白敦摯不與鄙吝之徒
處嘗謂子孫曰古人有得便宜反失便宜之語吾
三復焉而有味爾曹其母忽年八十二

上俞舖陳錦友于博學造義塚三壽八十五子洲南
工文詞壽八十三

西洙舖吳墀恕五世孫宗祀誠敬歷十餘載圭田日
增祠宇墳墓完固皆墀力也年八十五

雙池宋祖烜老誠端重郡守徐希聖扁獎積厚流光
年九十三

涵江何天祺和平朴實

賜脯帛以子封昭信校尉年八十四

坑柄黃石生素行諄睦樂善好施年八十三乾隆元年

覃恩授修職郎

翁炳文俞裕庭俞存原沈廷錦游天衡湯孫厚許同
山皆有壽乾隆元年

覃恩俱授修職郎

東山陳鴻章早喪父事母以孝聞母鍾愛弟妹曲意
承順杯酒七內必與共傳家孝友數世不分壽八

